

仙佛合宗語錄

伍太一十九問

十五問曰前之鍊精化炁故曰從無入有中  
之鍊炁化神故曰從有入無前此皆有工夫  
後此皆無工夫既無矣神出矣本自然無  
爲之道又言九年面壁鍊神還虛何故於  
此說一鍊字抑亦可以無爲言鍊乎答曰  
然自一七定至二七三七定至九年定及  
佛言加持卽此時鍊義也菩薩修上八地  
已證佛卽世尊所謂初成正覺乃又龍宮  
入定七日觀菩提樹王入定七日至二七  
三七於乳汁林入定七日四十九日不食

乳汁林者亦取喻乳哺之義

道藏輯要

仙佛合宗語錄

巽

畢集二  
川文川

所以八地加持至九地十地再加持至十一地等覺皆如此華嚴經所云雖證寂滅勤修習如修如空不動地佛勸令從寂滅超廣修種種諸智業是也

大修行得生滅滅已而寂滅成佛從此初得寂滅而至永遠寂滅全無不動之地佛故明明囑人必要從此初得寂滅道起勤加修習而趨進卽同仙家得道出了陽神後猶加鍊爲乳哺之工以趨追還虛無之極處

前此有爲之鍊以十月習定爲鍊

仙家轉神入定行大周天佛家修習入四禪定皆自有而入無因其意在漸入故曰有爲曰習曰鍊

昏沉多外馳散亂多而內定少則用鍊炁化神法以補其神  
滿不思睡神定不思馳則昏沉散少而漸無內定多而至得真  
定無炁與息則息無出入謂之息住神在定則性無生滅謂禪  
性無生此由習定而得漸法所致故謂之漸此仙佛如來正修  
行之漸非若五祖弘忍門下首座神秀輩講經說法生天生人  
兼行世法之漸者可比也

彼七生天七生人間是漸一生天上一生人間是漸及止能  
修十善者皆是漸也

得定而專一在定

坐忘論云不依一法而心常定

道藏輯要

仙佛合宗語錄

咒

畢集二  
川×

則謂之頓法以其無世法緣念之間斷

在家者念父母妻子等六親五倫之緣者謂之世法出家者  
念法眷念大眾之緣而大起塵勞者謂之世法着於此念則  
間斷道法無此念而決然從此得至虛無寂滅之極處方是

真頓法

張紫陽所謂頓超無漏作真人是也

真人者高真上聖也仙修而爲真上證玉清境洞真天位者  
曰真人

後此九年之鍊

後此者以出神時之後而言

皆頓法中之定故曰常定曰大定常在大定

大定者卽生滅滅已也常在大定卽寂滅爲樂矣無不寂滅是也

則純是一性炯然自一日至七日二七三七三年九載純純全全頓然在定華嚴經亦云恆住涅槃如虛空又云心常正定滅除覺現而以一切智覺觀從此不動入無色定如此而鍊謂之還虛有爲之鍊全無着處若執鍊是有爲義者則墮凡夫知見豈天仙宗還虛時之所可語耶

凡一切諸有爲法皆凡夫初修時事卽張真人所謂始於有作之說修至虛無方是得仙又從仙之虛無還至虛無之極

道藏輯要

仙佛合宗語錄

辛

畢集二

處方是天仙

故世尊云虛空界盡

卽仙家虛無之極處

我此修行終無有盡

佛之修行亦至虛空盡處而猶不以爲盡故我曰無有不定之時

而圓覺經云如來圓覺

圓覺者覺道圓滿卽仙家言虛無寂滅之極處

本無修習及修習者

修習定觀覺道猶是有爲故西來肇師云有爲雖僞棄之則

佛道難成故初修時必以所修之法而修習之以成正覺及修習者言心與息也息有出入修習至無出入心有生滅修習至無生滅而寂滅謂之成正覺從此初寂滅成覺修習加持常住正覺而圓滿無可復加故無用修習之法無修習之處

如是則我真虛無矣真寂滅矣

初得到虛無寂滅者何故不言真得猶是所謂能造其域而不能久也故仙佛皆云一日定七日定二七三七四七五七七七也及加至九年以後不可以年劫限是造其域而能久乃為真虛無真寂滅也

道藏輯要

仙佛合宗語錄

至

畢集二  
川八上

我至天地先矣

即虛無之極至

安可以鍊字致思議

言人不可以一鍊字生疑而悞加有為之功也

十六問曰鍊炁化神古今皆言十月懷胎不知果決定以十月能完胎出神否請再詳之答曰十月者以世懷胎之例大概言之也凡人之子在母胎以無息而至呼吸成必由十月之久無十月之胎者則炁不為完足

而成人而後生化神之炁大周天之用自有呼吸而返至無息之初